

ՈՐՈՇՈՒՄ

28 դեկտեմբեր 2017, № 22. 10

ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ ԿԱՆՈՆԱԴՐՈՒԹՅԱՆ ՀԱՍՏԱՏՄԱՆ ՄԱՍԻՆ

Ղեկավարվելով «ՇՊՀ» հիմնադրամի կանոնադրության 48-րդ կետի 4-րդ ենթակետով, «ՇՊՀ» հիմնադրամի գիտական խորհրդի կանոնակարգի 2-րդ կետի 2.2.4 ենթակետով՝

ՇՊՀ գիտական խորհուրդը ո ր ո շ ու մ է.

1. Հաստատել «Շիրակի Մ.Նալբանդյանի անվան պետական համալսարան» հիմնադրամի «Ուսանողական գիտական ընկերության կանոնադրությունը»:


2. Սույն որոշումն ուժի մեջ է մտնում ընդունման պահից:

ՇՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝

Ս. ՄԻՆԱՍՅԱՆ

Հաստատված է՝  
«Շիրակի Մ. Նալբանդյանի անվան  
պետական համալսարան»  
հիմնադրամի գիտական խորհրդի  
2017թ. դեկտեմբերի 28-ի նիստում

Խորհրդի նախագահ՝



Ս. Գ. Մինասյան

Ի փոփոխումն ԳՊՄԻ ՊՈԱԿ-ի  
գիտական խորհրդի 26.05.2012թ.

նիստում հաստատված «ԳՊՄԻ ՊՈԱԿ-

ի ուսանողական գիտական

ընկերության» կանոնադրության

## ԿԱՆՈՆԱԴՐՈՒԹՅՈՒՆ

### «ՇԻՐԱԿԻ Մ. ՆԱԼԲԱՆԴՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ

#### 1. ԸՆԴՀԱՆՈՒՐ ԴՐՈՒՅԹՆԵՐ

- 1.1 «Շիրակի Մ. Նալբանդյանի անվան պետական համալսարան» հիմնադրամի (այսուհետ՝ ՇՊՀ) ուսանողական գիտական ընկերությունը (այսուհետ՝ ՈՒԳԸ) ՇՊՀ ուսանողներին (բակալավր, մագիստրոս, հետազոտող) կամավոր կերպով միավորող կառուցվածքային ստորաբաժանում է, որը նպաստում է ուսանողության գիտական գործունեության զարգացմանը:
- 1.2 ՈՒԳԸ-ն իր գործունեությունը ծավալում է՝ ղեկավարվելով ՀՀ օրենսդրությամբ, ՇՊՀ-ի և սույն կանոնադրություններով:
- 1.3 ՈՒԳԸ-ի կանոնադրությունը և նրանում կատարվող փոփոխությունները հաստատվում են ՇՊՀ-ի գիտխորհրդի կողմից:
- 1.4 ՈՒԳԸ-ն ունի խորհրդանիշ և կլոր կնիք:
- 1.5 ՇՊՀ-ի ՈՒԳԸ-ի անվանումը. ռուսերեն՝ Студенческое Научное Общество (СНО), անգլերեն՝ Student Scientific Society (SSS):
- 1.6 Հասցե՝ ՀՀ, ք, Գյումրի, Պարույր Սևակի 4, փոստային ինդեքս՝ 3126, էլ. Հասցե՝ [sss@shsu.am](mailto:sss@shsu.am)

#### 2. ՈՒԳԸ-Ի ՆՊԱՏԱԿԸ, ԽՆԴԻՐՆԵՐԸ ԵՎ ԳՈՐԾԱՌՈՒՅԹՆԵՐԸ

2.1 ՇՊՀ-ի ՈԻԳԸ-ի նպատակն է նպաստել ուսանողական համակազմի գիտական գործունեության զարգացմանը:

2.2 ՈԻԳԸ-ի խնդիրներն են՝

2.2.1 գիտական ոլորտում ուսանողների ներգրավում,

2.2.2 ուսանողների գիտական գործունեության միջազգայնացում,

2.2.3 գիտական գործունեության և ուսումնական գործընթացի փոխկապակցվածության արդյունավետության բարձրացում:

2.3 ՈԻԳԸ-ն իր նպատակներն ու խնդիրները իրականացնում է սեփական կառուցվածքային միավորների միջոցով՝ համագործակցելով գիտական քաղաքականության և արտաքին համագործակցության կառավարման կենտրոնի հետ:

2.4. ՈԻԳԸ-ի գործառույթներն են.

2.4.1. մշակել ուսանողների գիտական գործունեության կարճաժամկետ (2 տարի) զարգացման ռազմավարությունը,

2.4.2. կազմակերպել ուսանողական գիտաժողովներ, սեմինարներ, գիտահանրամատչելի դասախոսություններ և գիտական-կրթական ուղղվածություն ունեցող այլ միջոցառումներ,

2.4.3. հավաքագրել, կազմել և տարածել տեղեկատվություն ուսանողական գիտական միջոցառումների մասին,

2.4.4. բացահայտել գիտական գործունեությամբ զբաղվող շնորհալի և տաղանդավոր ուսանողներին,

2.4.5. համագործակցել այլ բուհերի ՈԻԳԸ-ների հետ,

2.4.6. ապահովել հանրապետական և միջազգային գիտաժողովներին ուսանողների մասնակցությունը,

2.4.7. նպաստել ուսանողների գիտական և մեթոդական աշխատանքների հրատարակմանը,

2.4.8. խրախուսել ուսանողներին գիտահետազոտական աշխատանքների իրականացման համար,

2.4.9. ընտրել և խրախուսել ուսումնական տարվա բարձր գիտական վարկանիշ ունեցող ուսանողներին:

### 3. ՈԻԳԸ-Ի ԿԱՌՈՒՑՎԱԾՔԸ

3.1. ՈԻԳԸ կառուցվածքային միավորներ են՝

- Համալսարանի ՈԻԳԸ խորհուրդ, որը համակարգում է համալսարանի ՈԻԳԸ գործունեությունը,
- Ֆակուլտետի ՈԻԳԸ խորհուրդ, որը համակարգում է համապատասխան ֆակուլտետի ուսանողների գիտական գործունեությունը,

- Ամբիոնի ՈԻԳԸ պատասխանատու(ներ), ովքեր աջակցում են ուսանողների գիտական գործունեության ներգրավածությանը:

### 3.2. ԱՄԲԻՈՆԻ ՈԻԳԸ ՊԱՏԱՍԽԱՆՏՈՒ

- 3.2.1. Յուրաքանչյուր ամբիոն պրոֆսորադասախոսական կազմից ընտրում է գիտական կոչում ունեցող ամբիոնի պատասխանատու:
- 3.2.2. Ամբիոնի պատասխանատուն համագործակցում է ֆակուլտետի ՈԻԳԸ-ի հետ՝ ներկայացնելով առաջարկություններ ուսանողական գիտաժողովների, սեմինարների, գիտահանրամատչելի դասախոսությունների և գիտական-կրթական ուղղվածություն ունեցող այլ միջոցառումների կազմակերպման վերաբերյալ:

### 3.3. ՖԱԿՈՒԼՏԵՏԱՅԻՆ ՈԻԳԸ ԽՈՐՀՈՒՐԴ

- 3.3.1 Ֆակուլտետի ՈԻԳԸ խորհուրդը ձևավորվում է ֆակուլտետի թողարկվող մասնագիտությունների բոլոր կրթական մակարդակների բարձր առաջադիմությամբ մեկական ուսանողներից (առկայության դեպքում)՝ ամբիոնների պատասխանատուների առաջարկությամբ :
- 3.3.2 Ֆակուլտետի ՈԻԳԸ խորհրդի անդամներից փակ գաղտնի քվեարկությամբ ընտրվում է ֆակուլտետի ՈԻԳԸ խորհրդի նախագահ և համալսարանի ՈԻԳԸ խորհրդի 3 ներկայացուցիչներ՝ յուրաքանչյուր կրթական աստիճանից 1-ական ներկայացուցիչ:
- 3.3.3. Ֆակուլտետի ՈԻԳԸ խորհուրդը մշակում և հաստատում է զարգացման կարճաժամկետ (2 տարի) ռազմավարական ծրագիր, որն ուղղված է ֆակուլտետի ուսանողների գիտական գործունեության զարգացմանը:
- 3.3.4 Ֆակուլտետի ՈԻԳԸ խորհրդի նախագահը.
- ի պաշտոնե հանդիսանում է ֆակուլտետի խորհրդի անդամ
  - կազմակերպում է ֆակուլտետի ՈԻԳԸ աշխատանքները,
  - ներկայացնում է ֆակուլտետի ՈԻԳԸ զարգացման ռազմավարական ծրագիրը,
  - ներկայացնում է ֆակուլտետի տարեկան հաշվետվությունը համալսարանի ՈԻԳԸ խորհրդում,
  - նախագահը ի պաշտոնե հանդիսանում է համալսարանի ՈԻԳԸ-ի խորհրդի անդամ:
- 3.3.6. Ֆակուլտետի ՈԻԳԸ խորհրդի նիստերը գումարվում են ուսումնական կիսամյակում ոչ պակաս, քան երեք անգամ:

### 3.4. ՀԱՄԱԼՍԱՐԱՆԻ ՈԻԳԸ ԽՈՐՀՈՒՐԴ

- 34.1 Համալսարանի ՈԻԳԸ խորհրդի կազմի մեջ մտնում են յուրաքանչյուր ֆակուլտետի ՈԻԳԸ խորհրդի նախագահը և խորհրդից ընտրված ներկայացուցիչները:

3.4.2. Համալսարանի ՈւՊԸ խորհրդի կազմից փակ գաղտնի քվեարկությամբ մասնակիցների թվի ձայների մեծամասնությամբ ընտրվում է նախագահ, փոխնախագահ և քարտուղար՝ 2 տարի ժամկետով:

3.4.3. ՈւՊԸ խորհրդի նախագահ կարող է ընտրվել այն ուսանողը, ով ունի առնվազն 2 տպագրված հոդված:

#### 4. ՈՒԳԸ ԽՈՐՀՐԴԻ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄ

4.1. ՇՊՀ ՈւՊԸ խորհրդի նիստերը գումարվում են ուսումնական կիսամյակում ոչ պակաս, քան երեք անգամ:

4.2. ՇՊՀ ՈւՊԸ խորհրդի նիստն իրավագոր է, եթե նրան մասնակցում է անդամների ընդհանուր թվի առնվազն 2/3-ը: Որոշումներն ընդունվում են մասնակիցների ընդհանուր թվի ձայների պարզ մեծամասնությամբ: ՈւՊԸ խորհրդի արտահերթ նիստ կարող է հրավիրվել գիտական քաղաքական և արտաքին համագործակցության կառավարման կենտրոնի տնօրեն- պրոռեկտորի, ՈւՊԸ նախագահի, ՇՊՀ ՈւՊԸ խորհրդի անդամների 1/3-ի պահանջով:

4.3. Համալսարանի ՈւՊԸ նորընտիր նախագահը ընտրվելուց հետո եռօրյա ժամկետում՝ մինչև գործող նախագահի լիազորությունների ավարտը, ստանձնում է պատասխանատվություն ՈւՊԸ-ին պատկանող գույքի և կնիքի համար:

4.4. Համալսարանի ՈւՊԸ նախագահի նոր ընտրությունները պետք է կայանան գործող նախագահի պաշտոնավարման ավարտից առնվազն յոթ աշխատանքային օր առաջ:

4.5. Համալսարանի ՈւՊԸ խորհրդի նախագահի բացակայության դեպքում նրա լիազորությունները ստանձնում է փոխնախագահը:

4.6. ՈւՊԸ խորհրդի նախագահը

- ի պաշտոնե ներկայացնում է համալսարանի ՈւՊԸ,
- ի պաշտոնե հանդիսանում է համալսարանի գիտական խորհրդի անդամ,
- ՇՊՀ գիտական խորհրդի հաստատման է ներկայացնում է համալսարանի ՈւՊԸ զարգացման ռազմավարական ծրագիրը,
- ՇՊՀ գիտական խորհրդում հանդես է գալ տարեկան հաշվետվությամբ:

#### 5. ՈՒԳԸ-Ի ՄԻՋՈՑՆԵՐԸ ԵՎ ԴՐԱՆՑ ՕԳՏԱԳՈՐԾՄԱՆ ԿԱՐԳԸ

5.1. ՈւՊԸ միջոցները գոյանում են ՇՊՀ-ի բյուջեից կատարվող մասնահանումներից, հովանավորների կողմից կատարվող հատկացումներից, ՇՊՀ-ի կանոնադրությամբ և ՀՀ օրենսդրությամբ չարգելված այլ աղբյուրներից:

5.2. ՈւՊԸ-ն, համաձայն սահմանված կարգի, օգտվում է ՇՊՀ-ի տարածքային, գույքային, տեխնիկական և այլ միջոցներից:

5.3. ՈւՊԸ-ի միջոցներն օգտագործվում են սեփական նպատակների և խնդիրների իրականացման համար:

## 6. ՈՒԳԸ-Ի ԳՈՐԾՈՒՆԵՈՒԹՅԱՆ ԴԱԴԱՐԵՑՄԱՆ ԿԱՐԳԸ

- 6.1. ՈՒԳԸ –ի գործունեությունը կարող է դադարեցվել ՇՊՀ-ի գիտխորհրդի որոշմամբ:
- 6.2. ՈՒԳԸ-ի լուծարումից հետո նրա ամբողջ գույքը հանձնվում է ՇՊՀ-ին: